

M092: Benediktbeurer Glaube u. Beichte III

- 1r,1 Ich glovbe an got vater almahtigin . der dir schephar
 1r,2 ist himilis vn- der erde . vn- aller der geschephidi . Un-
 1r,3 glovbe an sin einbornen sun . vnsern herrin heilant vn-
 1r,4 glovbe an den heiligin geist . vnde glovbe daz die dri gnendi . ein warir
 1r,5 got ist . der dir ie was an angenge . vn- iemer ist an ende .
 1r,6 vn- glovbe . daz der selbe gotis sun enphangin wart
 1r,7 von dem heiligim geiste . geborn wart von minir
 1r,8 frowwen sc-e MaRieN der ewigen meidi . Un- glovbe .
 1r,9 daz er gevangin wart . daz er gemartrot wart . daz
 1r,10 er gecrcvigit wart . daz er dar an erstarb . an der mennischeit .
 1r,11 niht an der gotheit . Ich glovbe . daz er begrabin
 1r,12 wart . daz er nidir fvor zvo der helle . an dem dritin
 1r,13 tage erstvont von mer todi . warri got mennisliki
 1r,14 vn- daz er ze himel fvor . da sizit er ze der zeswin
 1r,15 sines vater . des almahtigin gotis . dannin ist er kvnftich .
 1r,16 z erteilin die lebintigin vn- die totin . Ich glovbe .
 1r,17 an den heiligin geist . die heilige christinheit allicki .
 1r,18 gotilichi . Vn- glovbe . die gemeine allir gotis
 1r,19 heiligin . ob ich si garne . vn- glovbe antlaz minir
 1r,20 sunte . nach warri riwe . vn- nach dvrnahtichlicher
 1r,21 becherde . Vn- glovbe vrstente mines libes . vn- glovbe .
 1r,22 nach disem libe . den ewigen lip AM- .
 1r,24 POST FIDEI . ADVNCIATIONEM . Mit disem glovben . schvlt ir
 leben . da mit sult
 1r,25 ir sterben . swer der ist ez si wib oder man . der
 1r,26 ze sinen iarn chvmt . chan er des heiligen glovben niht .
 1r,27 vn- wil in dvrh sine lihtegerne niht lernen wirt

 1v,1 der also fvnden . der ist verlorn . also div heilige scripht
 1v,2 spricht . Qui non credit iam iudicatus est . “Swer niht glovbet
 1v,3 der ist hie verteilet .” An disiv wort denchet . wie vorhtlich
 1v,4 dei sin . Der sich versvmit habe . ennenher . dvrch sine
 1v,5 tracheit . daz er sin niht glernet habe . der lerne in .
 1v,6 Unde ein ieglich wirt . in sinem huse . lere in siniv chint .
 1v,7 vn- sine vndertan . ir vf stet . ir iv nider leget . so sult ir
 1v,8 den heiligen glovben sprechen . vn- sult ivch da mit uesten .
 1v,9 vn- besigeln . so ne mag iv der tievel dehein schade
 1v,10 sin . weder an der sele noch an dem libe . swie ir denne

1v,11 vundet werdet . ir ivch ervallet . ir ivch ertreinchet . swie
 1v,12 getanes todes ir sterbet . so gnest ir an der sele . also der
 1v,13 heilige sc-s Paulus sprichet . Iustus si morte preocupatus
 1v,14 fuerit in refrigerio erit . Er geheizzet vns . Ob der rehte
 1v,15 begriffen werde . mit de- gahem tode . er chome ze ware .
 1v,16 Exortatio ad confessionem .
 1v,17 Nv habet ir ivch gevestenet . mit dem heiligem
 1v,18 glovben . da nach sult ir vil rivlichen iuuer bihte tvon .
 1v,19 un- svlt ivch erchennen alles iwers unrehtis . ivch sol vil harte
 1v,20 riwen swaz ir wider gotis hulden habet getan .
 1v,21 vn- sprechet nach mir uil luterlichen . Pura confessio .
 1v,22 *(I*)ch widersage mich dem tievel vn- allen sinen werchen .
 1v,23 unde allen sinen zierden . Vn- begihe dem almahtigin
 1v,24 got minem sepphare . vn- miner frovwen sc-e
 1v,25 MaRieN . der heiligen gotis muoter . sc-o Michahle .
 1v,26 dem pbste aller sele . vn- allen gotis engeln . . s . Ioh-e .
 1v,27 dem gotis tovfare . un- allen gotis weissagin . s . Petro

2r,1 un- allen gotis poten . s Stephano un- allen gotis martyrn
 2r,2 . s . Nycolao un- allen gotis bihtigarn . s . Margaretin . un-
 2r,3 alle- gotis magdin . disen gegenwrtigen heiligen . un-
 2r,4 allen gotis heiligen . vn- dir ewart . vn- aller der heiligen
 2r,5 christenheit . aller der sunde die ich ie gefrumte .
 2r,6 von angenge mines libes . unz an disen hirtigen tach .
 2r,7 Swie ich gesvntet han . wizzente oder vnwizzente .
 2r,8 danches oder vnder vndanches . slafente . oder wachente .
 2r,9 mit mir selbem oder mit ander iemen . des begihe
 2r,10 ich hivte dem almahtigem gote . daz ich den geheiz .
 2r,11 der in der toffe vur mich getan wart . nie so ervulte .
 2r,12 so ich von rehte solte . vn- so ich wol mahte . also schiere
 2r,13 do ich da chom daz ich svnden chunde . do warf ich
 2r,14 got minen sepphare ze rvcge . vermeit daz guot . frumte
 2r,15 daz ubele swa ich mohte . daz riwet mich . Ich gihe
 2r,16 dem almahtigim got daz ich min gotis hus . un- endriv
 2r,17 gotis hus . nie so geerte noch so emzige versvochte . so ich
 2r,18 solte daz riwet mich . Ich begihe dem almahtigem
 2r,19 got . daz ich den heiligen svntach vn- ander heilige
 2r,20 tage so niht geviret noch so geert han so ich solte . Die
 2r,21 heiligen dieteuaste . . IIII . temp-a . vn- andere uastetage
 2r,22 oder die mir vur mine svnte ze bvozze beuolhen
 2r,23 uurden . die han ich so nicht geuastet noch so geert
 2r,24 so ich solte daz riwet mich . Ich begihe dem almahtigim got .
 2r,25 daz ich den heiligen gotis lichenamen nie so emzige
 2r,26 nam so ich solte . so ich in auer genam . so nam ich
 2r,27 in an riwe miner svnden . un- an bihte . un- an vorhte .

2v,1 un- behielt in niht so ewirdiglichen so ich uon rehte solte .
 2v,2 daz riwet mich . Ich begihe dem almahtigim got . daz

2v,3 ich den zehenten mines libes . noch anders mines guotes
 2v,4 nie so ne gab . so ich solte . Minen sepphare . minen uat- .
 2v,5 mine mvoter minen ebenchrist nie so geminnete so ich
 2v,6 solte . minem pischolf . minem pharrare . vn- andern minen
 2v,7 lerarn nie so gehorsam noch so undertan uuart so
 2v,8 ich solte allez daz ich got ie gehiez . des bin ich lugnar
 2v,9 worden . Allez daz der gvotis was daz hazzete ich . allez daz der ubelis was
 daz minnet
 2v,10 ich . daz riwet mich . Ich begihe dem almahtigem got daz
 2v,11 ich mich versvntet han . mit hovptaften sunden . mit
 2v,12 huore mit uberhuore . mit sippim huore . mit vnzitigim
 2v,13 huore . mit hures gefrvmidi . mit aller slahte huore . Ich
 2v,14 han mich beuvolle- mit unchvschin wortin . mit huorlichen
 2v,15 gebardin . mit aller slahte bosheit . da ie dehein
 2v,16 suntare sich mit bewal . da han ich mich mit bewollen .
 2v,17 daz riwet mich . Ich begihe dem almahtigim got .
 2v,18 daz ich mich versundet han . mit nide . mit hazze . mit
 2v,19 vientsefte . mit vrbunne mit bisprache . mit luge . mit
 2v,20 lugen urkvnde . mit maineidin . mit hintirkosunge .
 2v,21 mit divue . mit rovbe . mit ubeln ratin . mit zorne mit
 2v,22 lanchrache . mit uberazze . mit ubertrvnchenheit . mit
 2v,23 ubermvot . mit spotte . mit uppiger gvotelich . mit den
 2v,24 ovgen . mit den orin . mit dem munde . mit handen
 2v,25 vn- mit fuozzen . mit allen minen lidern . mit allen
 2v,26 den sunten die ie mennisch tet . mit ubelem willen .
 2v,27 mit ubelen gedanchen . mit ubelen werchen . daz rivwet
 2v,28 mich . der sunden un- aller der sunden . die ich

3r,1 ie gevrvmt han von kindes peine . unz an dise wile . der
 3r,2 gib ich mich schuldich in dine gnade . herre got verlihe
 3r,3 mir daz ich gebuozze al nach dinen gnaden vn- nach mine-
 3r,4 durftin . der armen sele . also du herre wizzist . daz ich
 3r,5 sin durftich si . ze disem libe . un- ze deme ewigem libe .
 3r,6 un- man dich herre diner vunf wnden . daz du mir
 3r,7 helfende sist . daz ich an dem rehte werde vundin . un-
 3r,8 bitte dine trutmuoter mine frowen sancte MaRieN
 3r,9 un- alle dine heiligen . daz si mir sin wegende vn- helfende
 3r,10 durnahtig' becherde . warrir riwe antlaz aller
 3r,11 miner svnden . vnde daz si mine sele wisen . in die gnade
 3r,12 un- in die vrovde die si selbe besezen habent . mit allem
 3r,13 himelischem herige . AM- . l- aliter . Durch die gnade
 3r,14 des heiligen geistes . un- durch die dige miner frowen . s .
 3r,15 MARIEN . un- aller diner heiligin . gnade mir almahtiger
 3r,16 got . unde uerlaze mine schulde . un- erlose mich
 3r,17 uon allem ubel . unde leite mich in den e\,uuigen lip AM- .
 3r,18 Post confessionem Nach sogetaner
 3r,19 bihte . unde nach dem geheizze . den ir unserm herren
 3r,20 got geheizzen habet . iwer svnde hinwur ze buozzen .

- 3r,21 wellin wir antlaz sprechen von den gnaden unsers
 3r,22 herren . vn- von dem gwalte den got . s . Petro uerlehe .
 3r,23 do er zvo im sprach . Quodcumque ligaueris super terram . etc .
 3r,24 Er sprach “Swaz du gebindist petir uf der erde . daz
 3r,25 wirt gebundin da ze himele . vn- swaz du zerlosest
 3r,26 uf der erde . daz wir ovch zerloset in deme himele .” den
 3r,27 gwalt den er sc-o . Petro gab . den verlehe er ovch andern
 3r,28 sinen holdin . unde allen euvarten Von dem gwalte .
- 3v,1 den wir von . s . Petro haben . sprechen wir dei heiligen vuort .
 3v,2 got si durch sine gvote . der dei wort eruolle mit den werchen
 3v,3 Consolatio indulgentie . Indulgentiam
 3v,4 et remissionem omnium peccatorum uestrorum et spatium uere et
 3v,5 fructuose penitentie et emendationem uite et cor peenitens
 3v,6 et perseuerantiam in bonis operibus . per gratiam sancti spiritus tribuere
 3v,7 dignetur uobis pius et misericors dominus AM
 3v,8 Antlaz aller iwer sunden vristmal iwers lebenes . bezzerunge
 3v,9 iwer werche . riwigiz herze . staticheit gvotis
 3v,10 lebenes . rvoch iv ze verlihen mit den gnaden des heiligen
 3v,11 geistis . unser herre der almahtige got . an disem lebene
 3v,12 AM- . Admonitio post . indulgentiam .
 3v,13 Vil gvoten livte . Sogetaniv bihte hilfet einigenote die
 3v,14 ir bihte tovgliche habent getant . vn- die ovch tovgeliche
 3v,15 suntint die auer offenlich habent gesuntit . die schuln
 3v,16 ovch offenlich buozzen . hovbthafte sunde heizzint die . die
 3v,17 charrine unde iaruasten . nach huorente . sint
 3v,18 also sint . manslahte . uberhuor . sippehuor . suuelhe die sint . die
 3v,19 hovpthafte sunte habent getan . un- noch der christenheit
 3v,20 niht ze wizzene sint getan . den ratin wir . also
 3v,21 vater kinde ratin sol . daz si zvo ir pharrari chomin .
 3v,22 unde in ir not chlagen . swie getane buozze si da uon
 3v,23 ir euuarte enphahent . leistint si daz er in gebivtet .
 3v,24 un- geauernt si iz denne niht mer . si sint in uor got
 3v,25 uergebin Oratio pro ecclesia .
 3v,26 Nv schvlt ir hivte lazzin gniezzin die heiligin christenheit .
 3v,27 daz ivch min trehtin hivte hie gesamnet
 3v,28 hat . in sinem dienest . vn- schult unsern herrn [...] [...]